

MINISTARSTVO PROSVJETE
NARODNE VLADE BOSNE I HERCEGOVINE

Broj: 6404 / 45

12 oktobra 1945 godine
Sarajevo



Prilog : 1

Predmet: Uredba o Narodnoj
biblioteci federalne Bosne i
Hercegovine.


PREDSJEDNIŠTVU NARODNE VLADE B . i H.
Odjeljenju za izgradnju narodne vlasti

SARAJEVO

U prilogu se dostavlja na uvid Uredba o Narodnoj bibliote-
ci Bosne i Hercegovine za čije donošenje je Ministar prosvjete
dobio ovlaštenje od Narodne vlade Bosne i Hercegovine 9 oktobra
1945 godine.

Smrt fašizmu - Sloboda narodu !

Načelnik opšteg odjeljenja :



11.10.1945

na osnovu ovlaštenja Narodne Vlade Bosne i Hercegovine od 9 oktobra 1945 god. Ministarstvo prosvjete propisuje slijedeću

U R E D B U

O NARODNOJ BIBLIOTECI FEDERALNE BOSNE I HERCEGOVINE



Gl. 1

Osniva se u Sarajevu Narodna biblioteka federalne Bosne i Hercegovine. Ona stoji pod nadzorom Ministarstva prosvjete. Narodna biblioteka je centralna zemaljska biblioteka za federalnu Bosnu i Hercegovinu, njeno djelovanje proteže se na cijelo područje federalne Bosne i Hercegovine.

Gl. 2

Narodna biblioteka u Sarajevu ima zadatak :

- 1/ da svojim štitocima omogući svestrano poznavanje života i kulture naših naroda, napose naroda Bosne i Hercegovine,
- 2/ da pojedincima i ustanovama omogući rad na području nauka i umjetnosti,
- 3/ da pomaže osnivanje biblioteka i unapređjivanje bibliotečarstva u Bosni i Hercegovini, a po sporazumu sa Ministarstvom prosvjete federalne Bosne i Hercegovine.

Gl. 3

U djelokrug Narodne biblioteke spadaju ovi poslovi :

- 1/ skupljanje, bibliotetsko obradivanje i čuvanje svih knjiga i drugih štampanih predmeta koji se od početka narodno-oslobodilačke borbe objavljuju na teritoriji Jugoslavije, kao i knjiga i spisa koji se objavljuju u inostranstvu, a koji se odnose na naše narode i našu državu;
- 2/ skupljanje, bibliotetsko obradivanje i čuvanje inostranih knjiga i drugih spisa koji su potrebni naučnom i umjetničkom radu uopšte;
- 3/ skupljanje i čuvanje rukopisa značajnih za nauku, književnost i umjetnost naroda Bosne i Hercegovine;
- 4/ izrada zbirke reprodukcija i snimaka rukopisa, knjiga, fotografija pisaca i tome slično;
- 5/ izrada centralnog kataloga izdanja Bosne i Hercegovine;
- 6/ skupljanje i čuvanje geografskih, istorijskih i drugih vrsta karata i slično;
- 7/ izrada zbirke biografskih podataka o domaćim piscima;
- 8/ primanje obaveznih primjeraka štampanih predmeta od mjesnih narodnih prosvjetnih vlasti sa područja Bosne i Hercegovine i rad sa njima po postojećim propisima;
- 9/ održavanje stručnih predavanja i tečajeva, priredjivanje izložbi itd.;
- 10/ spremanje i stručno usavršavanje bibliotetskog osoblja za sve biblioteke na području federalne Bosne i Hercegovine;
- 11/ obavješćavanje, usmena i pismena, po svim bibliotetskim pitanjima;
- 12/ skupljanje podataka o organizaciji i obavljanju stručnog bibliotetskog rada u inostranstvu i izrada planova i uputstava za naše biblioteke;
- 13/ vršenje svih poslova koje joj povjeri Državna centralna biblioteka Demokratske Federativne Jugoslavije.

Gl. 4

Narodna biblioteka u Sarajevu kao centralna ustanova za federalnu Bosnu i Hercegovinu prikuplja, sređuje i čuva :

- a/ sva djela i izdanja bosansko - hercegovačkih pisaca iz svih područja nauke;
- b/ sva djela i izdanja na svim jezicima koja govore o zemljama, stanovništvu i kulturi svih naroda Bosne i Hercegovine;
- c/ sva djela štampana na području Bosne i Hercegovine od prvih štamparija do danas.

Gl. 5

Radi ostvarenja svojih zadataka Narodna biblioteka održava stručne i naučne vese sa Državnom centralnom bibliotekom i sa bibliotekama ostalih federalnih jedinica.

Gl. 6

Poslove Narodne biblioteke obavljaju direktor biblioteke, sefovi odjeljenja i otasjeka, bibliotekari i drugo stručno i administrativno osoblje, koje imenuje Ministarstvo prosvjete federalne Bosne i Hercegovine.

Gl. 7

Narodna biblioteka ima u svom sastavu knjigoveznicu i atelje za fotokopiju.

Gl. 8

Sve biblioteke, štamparska i izdavaška preduzeća na području federalne Bosne i Hercegovine, bile one državne ili privatne, dužne su da Narodnoj biblioteci pruže svaku pomoć i da joj dostave sve podatke koji su joj potrebni u poslovima oko izrade centralnog kataloga bibliografije, biografije pisaca, snimanje knjiga, rukopisa itd.

Gl. 9

Snabdjevanje Narodne biblioteke knjigama i drugim bibliotekarskim predmetima vrši se :

- a/ obavezim primjercima,
- b/ kupovinom,
- c/ poklonima i
- d/ razmjenom sa domaćim i stranim bibliotekama i drugim kulturno-naučnim ustanovama.

Gl. 10

Narodna biblioteka ima pravo skupljanja i čuvanja i onih knjiga i drugih štampanih stvari čije je rasturanje iz bilo kojih razloga zabranjeno.

Gl. 11

Narodna biblioteka izdržava se :

- a/ dotacijom iz budžeta Ministarstva prosvjete federalne Bosne i Hercegovine;
- b/ poklonima i zavještajima, i
- c/ prihodima od svojih publikacija i drugim prihodima koje joj odobri Ministarstvo prosvjete.

Gl. 12

Narodna biblioteka, u saradnji sa Odjeljenjem za narodno prosvjeđivanje Ministarstva prosvjete federalne Bosne i Hercegovine, vršiće svoje zadatke na polju masovnog kulturno-prosvjetnog rada:

- a/ osnivanjem svojih filijala Narodne biblioteke po okružnim i sreskim mjestima i drugim naseljima;
b/ osnivanjem pokretnih biblioteka za sela, radnička naselja, preduzeća, škole i druge ustanove.



Gl. 13

Ministarstvo prosvjete federalne Bosne i Hercegovine izdaje Pravilnike o unutrašnjoj organizaciji i radu Narodne biblioteke federalne Bosne i Hercegovine, o činovničkim mjestima, zvanjima i dužnostima, o načinu čuvanja i upotrebe knjiga i stampanih stvari čije je rasturanje zabranjeno, o skupljanju i upotrebi obaveznih primjeraka, o bližim odnosima Narodne biblioteke federalne Bosne i Hercegovine sa ostalim bibliotekama i drugim ustanovama u zemlji i u inostranstvu, o radu i organizaciji filijala i pokretnih biblioteka i njihovom odnosu prema Narodnoj biblioteci federalne Bosne i Hercegovine, Ministarstvu prosvjete federalne Bosne i Hercegovine i ostalim narodnim vlastima.

Gl. 14

Ova Uredba stupa na snagu kad se objavi u "Službenom listu" federalne Bosne i Hercegovine.

MINISTAR PROSVJETE :

Epaj: 6404

A. Habić

12-X-1945

Capajeb